



Քաղաքացիական գործ թիվ ԵԴ/4848/02/23

**ՀՀ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ  
ՔԱՂԱՔԱՑԻԱԿԱՆ ԴԱՏԱՐԱՆԻ ՈՐՈՇՈՒՄ  
ԳՈՐԾԸ ՎԱՐՈՒՅԹ ԸՆԴՈՒՆԵԼՈՒ ԵՎ ԳՈՐԾԻ ՔՆՆՈՒԹՅՈՒՆԸ ԳՐԱՎՈՐ  
ԸՆԹԱՅԱԿԱՐԳՈՎ ԻՐԱԿԱՆԱՅՆԵԼՈՒ ՄԱՍԻՆ**

10.06.2024թ.

ք.Երևան

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Թ. Ղուկասյանս (այսուհետ՝ Դատարան), քննության առնելով թիվ ԵԴ/4848/02/23 քաղաքացիական գործը վարույթ ընդունելու հարցը,



**Պ Ա Ր Ձ Ե Ց Ի**

«ՄՈՍԷՍՔՈ» ՍՊ ընկերությունը հայցադիմում է ներկայացրել Երևան քաղաքի առաջին ատյանի ընդհանուր իրավասության քաղաքացիական դատարան /դատավոր՝ Ռ. Ներսիսյան/ ընդդեմ ՀՀ պաշտպանության նախարարության՝ ՀՀ պաշտպանության նախարարության և «ՄՈՍԷՍՔՈ» ՍՊ ընկերության միջև 29.06.2022 թվականին կնքված «ՀՄԱԱՊԶԲ-22-7/1-1» ծածկագրով գնման պայմանագիրը ՀՀ պաշտպանության նախարարության կողմից միակողմանի լուծելու մասին 27.01.2023 թվականի որոշումն անվավեր ճանաչելու պահանջի մասին:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ռ. Ներսիսյան/ 13.02.2023 թվականի որոշմամբ հայցադիմումն ընդունվել է վարույթ և նշանակվել է նախնական դատական նիստ:

Երևան քաղաքի առաջին ատյանի ընդհանուր իրավասության քաղաքացիական դատարանը /դատավոր՝ Ռ. Ներսիսյան/ որոշում է կայացրել ապացույց պահանջելու մասին:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ռ. Ներսիսյան/ 13.02.2023 թվականի որոշմամբ հայցվորի կողմից ներկայացված հայցի ապահովման միջոց կիրառելու մասին միջնորդությունը բավարարվել է:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ռ. Ներսիսյան/ 10.03.2023 թվականի որոշմամբ հայցի առարկան և հիմքը փոփոխելու վերաբերյալ միջնորդությունը բավարարվել է:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ռ. Ներսիսյան/ 13.03.2023 թվականի արձանագրային որոշմամբ կողմերի միջև բաշխվել է ապացուցման պարտականությունը:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ռ. Ներսիսյան/ 13.03.2023 թվականի որոշմամբ քաղաքացիական գործը քննելու և վերջնական դատական ակտի կայացման ժամկետը երկարաձգվել է:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ռ. Ներսիսյան/ 27.04.2023 թվականի որոշմամբ նշանակվել է փորձաքննություն և գործի վարույթը կասեցվել է:

Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ռ. Ներսիսյանի ամենամյա հերթական արձակուրդում գտնվելու հանգամանքով պայմանավորված 10.08.2023 թվականին սույն քաղաքացիական գործը մակագրվել է նույն դատարանի դատավոր Ա. Բադիրյանին:

Երևան քաղաքի առաջին ատյանի ընդհանուր իրավասության քաղաքացիական դատարանի /դատավոր՝ Ա. Բադիրյան/ 22.08.2023 թվականի որոշմամբ քաղաքացիական գործն ընդունվել է վարույթ:

Երևան քաղաքի առաջին ատյանի ընդհանուր իրավասության քաղաքացիական դատարանը /դատավոր՝ Ա. Բադիրյան/ 03.01.2024 թվականին որոշում է կայացրել քաղաքացիական գործի վարույթը վերսկսելու և գործը քննության նշանակելու վերաբերյալ:

Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ա. Բադիրյանի նպատակային արձակուրդում գտնվելու հիմքով թիվ ԵԴ/4848/02/23 քաղաքացիական գործը 31.05.2024 թվականին մակագրվել է դատավոր Թ. Ղուկասյանիս և 05.06.2024 թվականին հանձնվել է Դատարանի կազմին:

«Քաղաքացիական դատավարության օրենսգրքի 234.5-րդ հոդվածի համաձայն՝ «1. Դատարանը սույն գլխով սահմանված կարգով քննում և լուծում է «Գնումների մասին» Հայաստանի Հանրապետության օրենքի 46-րդ հոդվածի 1-ին մասով սահմանված՝ պարզիրապուի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերը:

2. Գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով»:

Տվյալ դեպքում ներկայացված հայցապահանջով հայցվորը վիճարկում է պատվիրատու պատասխանողի գործողությունները՝ ուղղված թիվ «ՀՄԱԱՊՁԲ-22-7/1-1» ծածկագրով գնման ընթացակարգով ՀՀ պաշտպանության նախարարի տեղակալ Կ. Բրուտյանի կողմից 29.06.2022 թվականին կնքված պայմանագիրը միակողմանի լուծելու մասին 27.01.2023թ. որոշումը և ՀՀ պաշտպանության նախարարի տեղակալ Կ. Բրուտյանի 09.02.2023 թվականի՝ «ՄՈՍԷՍԲՈ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին որոշումն անվավեր ճանաչելուն, ուստիև հայցը ենթակա է քննության ՀՀ քաղաքացիական դատավարության օրենսգրքի 27.2-րդ գլխի կանոններով:

Ղեկավարվելով ՀՀ քաղաքացիական դատավարության օրենսգրքի 124-րդ, 125-րդ հոդվածի 1-ին և 2-րդ մասերով, 199-րդ, 200-րդ հոդվածներով, ինչպես նաև 27.2-րդ գլխի կանոններով՝

### Ո Ր Ո Շ Ե Ց Ի

1. Քաղաքացիական գործն՝ ըստ հայցի՝ «ՄՈՍԷՍՔՈ» ՍՊ ընկերության ընդդեմ ՀՀ պաշտպանության նախարարության՝ ՀՀ պաշտպանության նախարարության և «ՄՈՍԷՍՔՈ» ՍՊԸ-ի միջև 29.06.2022թ. կնքված «ՀՄԱԱՊՁԲ-22-7/1-1» ծածկագրով գնման պայմանագիրը ՀՀ պաշտպանության նախարարի տեղակալ Կ. Բրուտյանի կողմից միակողմանի լուծելու մասին 27.01.2023թ. որոշումն անվավեր ճանաչելու մասին և ՀՀ պաշտպանության նախարարի տեղակալ Կ. Բրուտյանի 09.02.2023 թվականի՝ «ՄՈՍԷՍՔՈ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին որոշումն անվավեր ճանաչելու պահանջների մասին, ընդունել վարույթ:

2. Գործի քննությունն իրականացնել գրավոր ընթացակարգով՝ դատական ակտի հրապարակման օր սահմանելով 12.07.2024 թվականին՝ դատական իշխանության պաշտոնական էլեկտրոնային կայքի (datalex.am) միջոցով:

Որոշումը եռօրյա ժամկետում ուղարկել գործին մասնակցող անձանց:

Որոշումն անհապաղ ուղարկել «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին՝ [secretariat@minfin.am](mailto:secretariat@minfin.am):

Որոշումն օրինական ուժի մեջ է մտնում կայացման պահից:

ԴԱՏԱՎՈՐ՝



Թ. ՂՈՒԿԱՍՅԱՆ